

NEWSLETTER (June, 2015)

პრემიებისა და დანამატების გაცემის პრაქტიკა 2014 წელს

IDFI დაინტერესდა, რამდენად აისახა 2015 წლის პირველ კვარტალში სამინისტროების თანამდებობის პირების შრომის ანაზღაურებაზე ე.წ. ქაძრების შემოჭერის პოლიტიკა. კვლევაში [პრემიებისა და დანამატების გაცემის პრაქტიკა 2014 წელს](#) საუბარია აღნიშნულ პრაქტიკაზე როგორც [სამინისტროებში](#), ასევე [სსიპ-ებში](#)

„საჯარო სამსახურის შესახებ“ საქართველოს კანონის პროექტის სამართლებრივი ანალიზი

IDFI-მ მოამზადა „საჯარო სამსახურის შესახებ“ საქართველოს კანონის პროექტის სამართლებრივი ანალიზი. ინსტიტუტი მიესალმება „საჯარო სამსახურის შესახებ“ საქართველოს კანონის პროექტის მიხედვით განსაზღვრულ ცვლილებებს, რომლებიც უმეტესწილად, აუმჯობესებს საჯარო სამსახურის არსებულ რეგულირებას და სისტემას საქართველოში.

ფარული მიყურადება საქართველოში: 2013-2015

IDFI-მ გამოაქვეყნა კვლევა ფარული მიყურადებების მაჩვენებლების შესახებ საქართველოში 2013-2015 წლებში. მაღალი საზოგადოებრივი ინტერესისა და წინ გადადგმული საჭირო ნაბიჯების მიუხედავად, როგორცაა უკანონო მიყურადებების დროებითი კომისიის შექმნა და მოსმენების შესახებ საკანონმდებლო ცვლილებების პაკეტის წარდგენა, აღნიშნული საკითხის მიმართ ნდობა დაიკარგა ხელისუფლების წარმომადგენელთა კრიტიკული განცხადებების გამო.

ღია მმართველობის პარტნიორობის რეგიონული შეხვედრა საქართველოში



3-4 ივნისს საქართველო „ღია მმართველობის პარტნიორობის“ (Open government Partnership – OGP) ევროპულ რეგიონულ შეხვედრას მასპინძლობდა. საქართველო მასპინძელ ქვეყანად მექსიკაში გამართულ OGP-ის მმართველი კომიტეტის შეხვედრის დროს აარჩიეს იმ წარმატებების გამო, რასაც მან ღია მმართველობის კუთხით ბოლო წლებში მიაღწია.

კონფერენციაში მონაწილეობა მიიღეს, როგორც საჯარო, ასევე სამოქალაქო

სექტორის და საერთაშორისო ორგანიზაციების წარმომადგენლებმა. მათ შორის იყო IDFI-ის დირექტორი, ღია მმართველობის პარტნიორობის ფორუმის თანა-თავმჯდომარე გიორგი კლდიაშვილი, რომელიც 4 ივნისს კონფერენციაზე სიტყვით გამოვიდა.

რეგიონული კონფერენცია გახსნეს ირაკლი ღარიბაშვილმა, დავით უსუფაშვილმა, ნინო გვენეტაძემ, თეა წულუკიანმა და სხვებმა.

„ღია მმართველობის პარტნიორობის რეგიონული შეხვედრის მთავარი მიზანი იყო OGP-ის ფარგლებში მიღწეული შედეგებისა და შეძენილი გამოცდილების გაზიარება, ასევე სამთავრობო რეფორმატორთა ფართო ქსელის შექმნისთვის საფუძვლის ჩაყრა.

ამავე პერიოდში, OGP-ს ოფიციალურ ბლოგზე გიორგი კლდიაშვილის ვრცელი ინტერვიუ გამოქვეყნდა, სახელწოდებით: „ღია მმართველობის სახეები - გიორგი კლდიაშვილი“.

